



錦繡萬花谷續集卷之二十

類姓

韓

國器韓安國事梁孝王為中大夫後抵罪獄吏田甲辱之安國曰死灰獨不復燃乎武帝拜為御史大夫與王恢辯議和親所舉皆天下名士天子以為國器本傳

出群之器韓伯字康伯留心文藝能自標置居然是出

羣之器晉史

王佐才韓桓張載音之曰王佐才也博覽經籍無所不通慕容雋時為揚烈將軍後傳東宮從太子入朝雋顧謂左右此一代偉人未易繼也載記

志烈秋霜韓思彥舉下筆成章志烈秋霜擢科第授監

察御史昌言當世得失高宗加二階待詔洪文館唐史

孝于家忠于國韓琬落魄少崖檢有姻勸舉茂才名動

里中刺史行鄉飲餞之主人揚解曰孝于家忠于國今始充賦請行無筭爵儒林榮之

韓荆州韓朝宗李白書與之云生不用萬戶侯但願一識韓荆州並唐史

寒

三老上書寒朗博通書傳以尚書教授舉孝廉永平中

守侍御史廷爭楚獄之寃篤矣仁者之情遷濟陽令去

官百姓追思之三老吏人上書陳其政狀由是辟為司

徒府後漢史

干

良史干寶博覽書記以才器詔為著作郎家貧求補山

陰令遷始安太守著晉紀二十卷直而能婉咸稱良史

撰搜神記號曰鬼董狐晉史

蘭

智武將軍蘭欽父子雲以軍功至冀州刺史欽有謀畧

勇決善戰進號智武將軍百日中再破魏軍威振隣國

檀

志能之士檀翥字鳳翔好讀書解屬文仕魏除中書舍

人以身學自業加以清介志能之士也北史

萬里長城檀道濟都督諸軍侵魏資糧竭濟夜唱籌量

沙以少米散其上及旦魏軍謂資糧有餘故不復追進

司空鎮壽陽後文帝疾義康矯詔誅之時人歌曰可憐

白浮鳩枉殺檀江州道濟見收憤怒氣盛目光如炬脫
憤投地曰乃壞汝萬里長城南史

樂

樂社公樂布孝文時為燕相至將軍嘗有德者厚報之
以軍功封俞侯燕齊之間皆為立社號曰樂公史記
桂陽太守樂巴為桂陽太守以郡處南垂不聞典訓為
定婚姻喪紀之禮立校學以將進之遷豫章太守巴素
有道術能役鬼神後漢

桓

君才當自光大桓彥範字士則狄仁傑曰君之才當自
光大毋卑初厚為禮張東之將誅易之等引與定策以
彥範敬暉為左右羽林將軍屬以禁兵斬易之中宗復

位以彥範為侍中攻屬文所志惟忠孝居若不能言及
議論帝前安辭定色辯爭愈切卒謚忠烈唐史

潘

大丈夫格業潘濬為湘鄉令治甚有名奉法不憚私義
公清剖斷節槩梗梗有大丈夫格業

奇童潘岳鄉邑號為奇童作籍田賦才名冠世出為河
陽令後遷廷尉評仕宦不達乃作閒居賦並晉史

安

剖心明皇嗣安金藏京兆人在太常工籍睿宗為皇嗣
有誣皇嗣異謀者武后詔來俊臣問狀金藏大呼曰公
不信我言請剖心以明皇嗣不反也引刀自刺腹中腸
出被地眩而仆后聞大驚命高醫內腸閱夕而蘇臨視

歎曰吾有子不能自明不如爾之忠也詔停獄朝廷士大夫翕然稱其誼

謹厚見信安彥威少隸唐明宗麾下頗知兵法嘗為牙將以謹厚見信晉高祖入立徙鎮歸德是時河決滑州命彥威塞之彥威出私錢募民治隄遷西京留守遭歲大饑彥威賑撫饑民民有犯法皆寬貸之饑民愛之不忍流去彥威與安太妃同宗出帝事以為舅彥威未嘗以為言及卒太妃臨哭人始知其同宗也當時益稱其謹重

五代史

顏

江左稱顏謝顏延之讀書無所不覽文章冠絕當時鮑照曰君詩若鋪錦列繡離績滿眼議者以延之謝靈運

自潘岳陸機之後文士莫及江右稱潘陸江左稱顏謝
顏祕書顏師古少博覽精詁訓善屬文太宗嘗歎五經去聖遠傳習寔訛詔師古於祕書省考定多所釐正學者賴之拜祕書少監

辯獄而雨顏真卿開元中舉進士又擢制科遷監察御史使河隴時五原有冤獄久不決天且旱真卿辯獄而雨郡人呼御史雨

班

壯士之志班超有大志不修細節傭書養母投筆歎曰大丈夫無他志畧猶當立功異域以取封侯安能久事筆硯間乎左右笑之超曰小子安知壯士之志哉相者指曰生燕頰虎頭飛而食肉萬里侯相也其後出征安

集西域五十餘國悉皆納質內屬封定遠侯任尚與超交代請誨告以總大綱而已尚曰我以班為當有奇策今所言平平耳後尚失羌人之和果如超言

大家曹世叔妻班氏彪之女名昭字惠博學高才踵成漢書表志號曰大家作女誡七章並南史

山

璞玉渾金山濤少有器量介然不羣為竹林之遊年四十始為郡主簿功曹累遷吏部尚書遷右僕射加光祿大夫以老疾辭詔曰君以道德為世模表吾將倚君以穆風俗何乃欲獨高其志耶王茂目濤如璞玉渾金人皆欽其寶莫知其器

高陽池山簡為征南將軍都督荆湘交廣四川諸軍事

假節鎮襄陽每出嬉遊多之習氏池上置酒輒醉名曰高陽池童兒歌之有日夕倒載歸倒着白接籬之句並

史

田

食客數千人孟嘗君名文姓田氏招致賓客舍業厚遇之以故傾天下之士食客數千人

河東太守田延年為河東太守誅鉏豪強姦邪不敢發入為大司農

旬月取宰相車千秋本姓田氏為丞相封富民侯無他才能術學又無閹闕功勞特以一言寤意旬月取宰相封侯世未嘗有也初千秋年老上優之朝見得乘小車入宮殿門因號東丞相並漢史

朱紫滿門 田弘正充魏博節度使以功加司徒同平章事來朝上眷勞殊等固請留闕下帝勞曰魏人樂卿之政四隣畏卿之威為朕長城又安用辭朱紫滿門榮冠當時性忠孝好功名起樓聚書萬餘卷 唐史

廷

屈千里足 延篤字叔堅受左氏傳能著文章有名京師

舉孝廉後拜議郎著作東觀徙京兆尹李文德謂公卿曰延叔堅有王佐之才奈何屈千里之足乎 後漢史

錢

長者 錢徽中進士第遷中書舍人加承旨憲宗獨召徽稱其長者時內積財圖復河湟然禁無名貢獻而至者不甚卻微懇諫罷之帝密戒後有獻毋入右銀臺門以

避學士

李白才 錢易字希白年十七舉進士御試三題日中而

就言者以其清俊而黜之太宗語蘇易簡曰朕恨不與李白同時易簡曰有錢易者李白才也太宗喜曰若然當用唐故事召至禁林會盜起劍南不果用復舉進士甲科為光祿寺丞通判蘄州又舉賢良方正策入等除祕書丞通判信州真宗封泰山獻殊祥錄遷太常博士直集賢院

仙風道骨 錢若水字淡成十歲能屬文入華山陳搏一

見以為有仙風道骨舉進士為同州推官有富民失女奴其父母訟于州鞠于有司獄吏嘗有貸于富民不獲乃劾富民父子數人共殺女奴棄之水中遂失其尸而

誣以罪皆應死若水疑之密使人訪求女奴得之乃引以示女奴之父母皆泣曰是也富民父子賴以得免郡太守欲薦之若水固辭曰且朝廷以此爲若水功當置獄吏於何地太守歎服太宗聞之遂召用擢祕書丞直史館半歲中超遷知制誥翰林學士至道初拜右諫議大夫同知樞密院事

錦繡萬花谷續集卷之二十

錦繡萬花谷續集卷之二十一

類姓

燕

入講經傳出議朝政燕鳳少好學博綜經史明習陰陽識緯昭成素聞其名以禮致之拜左長史參決國事道武時歷行臺尚書甚器重明完世入講經傳出議朝政

邊

五經笥邊韶字孝先以文學知名教授數百人弟子嘲之曰邊孝先腹便便懶讀書但欲眠答曰邊爲姓先爲字腹便便五經笥後拜太中大夫著作東觀

宜處高任邊讓善占射能辭對時賓客滿堂莫不羨其風蔡邕深敬之以爲宜處高任後漢史

牽

當激濁揚清牽秀博辯有文才弱冠得美名補新安令
嘗扼腕慷慨自謂居司直之任當能激濁揚清晉史

全

九江太守全琮字子璜父柔嘗使齎米數千斛到吳市

易琮數散用空船而歸柔怒琮曰愚以所市非急而士
大夫方有倒懸之故便賑贍不及啓報柔更奇之後為

將軍假節領九江太守魏志

權

有國良翰權景宣少聰悟有氣俠曉兵權有智畧從周
援弘農破沙苑皆先登陷陣轉外兵郎中除南陽郡守
盜賊斂迹人得隸業百姓立碑頌德總戎簿伐著剋敵

之功布政蒞人垂稱職之譽豈非有國之良翰歟北史

良吏權懷恩萬紀族孫以廕遷尚乘奉御馭人安畢羅

有寵見帝不恭懷恩適見之退杖四十帝嗟賞曰良吏
也擢萬年令賞罰明見惡輒取時語曰寧飲三斗塵無

逢權懷恩每盛服妻子不敢仰視更五州刺史所居威
名赫然吏重足立

縉紳羽儀權德輿生三歲知變四聲四歲能賦詩積思

經術無不貫綜元和初拜尚書同平章事風流醞籍自
然可慕正元元和間為縉紳羽儀云並唐史

泉

除一官憂見顏色泉仙除雍州刺史豪右無敢犯者纖

毫不擾於人後兼右僕射志尚廉謹每除一官憂見顏

色 北史

堅

揚化將軍堅鐔光武拜揚化將軍與士卒共勞苦每急輒先當矢石封合肥侯

宣

三獨坐宣秉拜御史中丞光武特詔中丞與司隸校尉尚書令會同並專席而坐故京師號曰三獨坐常服布被蔬食瓦器帝見而歎曰楚國二龔不如雲陽宣巨公

秉字巨公並後漢史

連

戊戌齊侯使連稱管至父戌葵丘瓜時而往及瓜而代

左莊八年

蕭

平原太守蕭望之治齊詩射策甲科為郎上疏陳災異宣帝在民間聞其名曰此東海蕭生耶拜為謁者及遷為平原太守望之雅意在本朝為郡守內不自得上疏徵入守少府宣帝察其材任宰相欲詳試其政事復以為左馮翊元帝爵關內侯 高帝紀

八葉宰相蕭遘擢進士第氣孤峻既當國風采峭整天子器之自瑀逮遘凡八葉宰相

蕭夫子蕭穎士四歲屬文十歲補太學生觀書一覽即誦舉進士對策第一補祕書正字名播天下盧異等皆執弟子禮號蕭夫子 並本傳

堯

鷹揚郎將堯君素煬帝時爲鷹揚郎將後領河東通守以拒義師朝廷特賜金券待以不死君素卒無降心北

節義傳

鈿 魏郡太守鈿期容貌絕異矜嚴有威光武以爲魏郡太守郡界清平郡中服其威信拜衛尉封安城侯後本傳

姚

景想節義 姚思廉少受漢書於父察寡嗜欲惟一於學授秦王府文學王語隋事慨然歎曰姚思廉蒙素刃以明大節古所難者思廉在雒陽遣使遺物三百段致書曰景想節義故有是贈王即位詔共撰梁陳書推究綜括爲二家史以卒父業唐本傳

益州刺史 姚璿力學才辯揆萬舉明經第遷益州刺史始蜀吏貪暴璿擿發之無所容貸降璽詔慰因謂左右爲二千石清其身者易使吏盡清者難唯璿爲兼之

梁國公 姚崇少倜儻尚氣節長乃好學下筆成章玄宗講武新豐召崇至帝方獵渭濱即召見與俱馳獵緩速如旨帝歡甚旣罷乃咨天下事衮衮不知倦帝曰卿宜遂相朕崇知帝大度銳于治乃先設事以堅帝意即陽不謝帝恠之崇因跪奏臣願以十事聞云云帝曰朕能行之崇乃頓首謝翌日拜兵部尚書同中書門下三品封梁國公

鼎

智囊 鼎錯學申商刑名以文學爲太常掌號曰智囊詔

選賢良對者百餘人惟錯為高第並本傳

橋

漢陽太守橋玄舉孝廉補洛陽左尉梁不疑為河南尹

玄以公事當詣府受對耻為所辱棄官還鄉里徵為漢

陽太守後漢史

喬

神君喬智明以德行著稱為隆慮共二縣令號為神君

晉良吏傳

譙

孝廉秀才晉隱逸譙秀少而靜默不交於世郡察孝廉

州舉秀才不就

焦

真健人焦度少有氣幹氣力弓馬並絕人宋孝武召充

左右曰此真健人也南史

苗

以惠化稱前晉卿世以儒素稱擢進士第知吏部選人

訴索好官厲言倨色紛于前晉卿乃與相對終日無愠

顏父之進侍郎充河北採訪使居三年政化大行寬厚

所至以惠化稱魏人為立生祠立石頌美唐史

包

聚徒教授包愷字和樂兄愉明五經愷悉傳其業又受

史記漢書尤稱精究仕隋為國子助教遠近聚徒教授

數千人北史儒林傳

盜割牛舌皇朝包拯字希仁舉進士以大理評事知建

昌縣辭以親年高改和州管庫而親不欲去鄉里遂解官就養及親亡廬墓側終喪不忍仕久之知天長縣有訴盜割牛舌者拯曰第殺而鬻之俄有告私屠牛者拯曰已割其舌矣非私殺也盜色變遂引服徙知端州及除御史中丞上疏請立皇嗣仁宗喜乃曰當徐議之禮部侍郎樞密副使終于位謚孝肅

巢

浮沉里中 皇朝巢谷眉州眉山人也嘗舉進士京師見舉武藝者心實好谷素多力遂棄其舊學蘇軾謫黃州與谷同鄉幼而識之因與之遊及軾與其弟轍在朝谷浮沉里中未嘗一見紹聖初軾轍謫嶺海平生親舊無復相聞者谷獨慨然自眉山誦言欲徒步訪兩蘇聞者

皆笑其狂

茅

殺雞為饌 茅容字季偉郭林宗嘗寓宿於容旦日殺雞為饌林宗謂為已設既而以供其母自以草蔬與客同飯林宗起拜之曰鄉賢乎哉因勸以學卒以成德漢

曹

一鼓作氣 齊師伐我公戰于長勺公將鼓之曹劌曰未可齊人三鼓劌曰可矣既克公問其故曰夫戰勇氣也一鼓作氣再而衰三而竭彼竭我盈故克之左莊公

掘土得蟹 曹翰大名人也太宗征太原又從征幽州所部攻城之東南隅卒掘土得蟹以獻翰謂諸將曰蟹水物而陸居失所也且多足慮救將至不可進拔之象其

班師乎已而果然除威塞軍節度使

讀書畧通大義曹利用少有志節讀書畧通大義以父諫遺恩授殿中承旨使虜還擢東上閣門使忠州刺史天禧中拜樞密使加同平章事宰相李迪面斥丁謂姦邪利用馮拯皆有朋黨利用曰以片文遇主臣不如迪若捐軀入不側之虜迪不如臣卒以利用兼太子少保進右僕射仁宗即位進封魯國公

陶

五柳先生陶潛字元亮號五柳先生為彭澤令不能為五斗米折腰乃賦歸去來蓄無絃琴曰但識琴中趣何勞絃上聲晉史

有文武才陶弼元豐中為崇儀使知邕州山谷先生作

誌銘稱其有文武之才而可其詩

高

一代偉器高允字伯恭少孤夙成有奇度崔宏見之歎曰高子黃中內潤高明外照必為一代偉器博通經史天文術數尤好春秋公羊曾作塞上公詩有混欣戚遺得喪之致北史

刻石鹿山頭高崇文其先從幽州七世不異居劉闢反

杜黃裳薦其才統諸屯兵討闢時顯功宿將人人自謂當選及詔出皆驚後追擒之檻送京師入成都市井不移珍貨如山無秋毫之犯進西川節度南平郡王刻石紀功于鹿頭山詔同平章事唐史

決北征之策高瓊燕人也景德初契丹入寇大臣有欲

避狄江南西蜀者寇準不可諸將中獨瓊與準意同準
既力爭之真宗曰卿文臣豈能盡用兵之利準曰請召
高瓊瓊至乃言避狄爲便準大驚以瓊爲悔也已而徐
言避狄固爲安全但恐扈駕之士中路逃亡無與俱西
南者耳真宗乃大驚始決北征之策真宗既親征時前
軍已與契丹戰或有勸真宗南還者瓊因言契丹師衆
已老陛下宜親臨觀兵督其成功上嘉其言即幸澶州
南城瓊固請渡河真宗從之至浮橋駐輦未進瓊乃執
槁築輦夫背曰何不亟行今已至此尚何疑真宗乃命
進輦既至登北門城樓張黃龍旗城下將士皆呼萬歲
氣勢百倍會契丹大將撻覽中弩死契丹遂退

毛

東曹典選毛玠爲丞相東曹掾典選舉其所舉用皆清
正之士貴寵之臣輿服不敢過度請謁不行時人憚之
居顯位常布衣蔬食賞賜以賑施貧族家無所餘

魏志

錦繡萬花谷續集卷之二十二

類姓

何

日食萬錢何曾少好學博聞位太傅進太宰侍中明朗高亮執心弘毅可謂舊德老成國之宗臣者也性至孝閨門整肅無聲樂嬖幸之好然務在華侈帷帳車服窮極綺麗日食萬錢猶曰無下筋處晉本傳

羅

湘中琳瑯羅含字君章夢鳥入口藻思日新可謂湘中

之琳瑯晉文苑傳

長於詠史羅隱錢塘人工詩尤長於詠史唐宰相深器之隱累舉進士不第錢鏐辟為從事官至給事中唐史

和

棟梁之用和嶠有盛名於世朝野許其能整風俗理人倫遷潁川太守為政清簡甚得百姓歡心庾歆見而歎曰嶠森森如千丈松雖礪砢多節目施之大厦有棟梁之用為尚書光祿大夫

晉史

負鼎上書和逢堯武后時負鼎闕下上書後十年乃舉進士高第

進士第五和凝天成中知貢舉是時進士多浮薄喜為誼譁以動主司主司每放榜則圍之以棘閉省門絕人出入以為常凝棘開門士皆肅然無譁所取皆一時之秀稱為得人唐進士知貢舉者所校進士以已及第時名次為重凝舉進士及第時第五後知貢舉選范質為

第五後質為宰相封魯國公官至太子太傅皆與凝同當時以為榮

唐史

巴

丹穴巴寡婦清其先得丹穴而擅其利數世婦能守其業用財自衛人不敢犯始皇以為貞婦而客之為築女懷清臺

楊

關西孔子楊震字伯起明經博覽無不窮究諸儒語曰關西孔子楊伯起後有冠雀銜三鱸魚飛集講堂前都講取魚進曰蛇鱸者卿大夫服之象也數三者法三台也先生自此升矣遷荊州刺史東萊太守所舉王密懷金遺震曰暮夜無知者震曰天知神知我知子知何謂

無知轉涿郡太守公廉不受私謁子孫常蔬食步行故
舊欲令開產業震不肯曰使後世稱為清白吏子孫後
為太尉後漢史

清談終畧楊綰性沉靜獨處一室左右圖書不好立名
第進士舉詞藻宏麗科元宗已試又加詩賦一篇綰為
寇由是擢右拾遺加詩賦由綰始儉約未嘗問生事祿
廩造之者清談終畧而不及榮利干以私聞其言必內
愧止唐史

揚

三世不徙揚雄字子雲蜀郡成都人其先出自周伯僑
以支庶初食采於晉之揚因氏焉少好學不為章句簡
易佚蕩口吃不能劇談默好深湛之思不汲汲於富貴

不戚戚於貧賤博極羣書度越諸子三世不徙官以耆
老父次轉為大夫

陽

先去大猾陽球補尚書侍郎閑達故事章奏處議常為
臺閣所崇信遷司隸校尉既誅王甫等乃勅東都官從
事曰且先去大猾當次按豪右權門聞之莫不屏氣諸
奢師之物皆各緘滕不敢陳設京師畏震

隱中條山陽城好學貧不能得書求為吏隸集賢院竊
院書讀之晝夜不出戶六年無所不通及進士第乃去
隱中條山與第堦域常易衣出年長不肯娶謂第曰吾
與若孤惇相育既娶則間外姓雖共處而益踈第義之
亦不娶德宗召拜諫議大夫裴延齡誣逐陸贄帝怒甚

無敢言者城乃上疏極諫不止帝大怒不已欲相延齡
城顯語曰延齡若相吾當取白麻壞之帝不相延齡城
之力也為道州刺史賦稅不時觀察使數誚責州當上
考功第城自署曰撫字心勞追科政拙考下下陽城德
行道義為士林之所敬服德宗以銀印赤紱起于隱所
驟拜諫官可謂賢且遇矣

韻語陽秋

羊

古之遺直晉大夫羊舌肸書詒子產諫鑄刑書衛人使
屠伯饋叔向羹與錦叔向受羹反錦古之遺直三數叔
魚之惡

左傳

世吏二千石羊祜字叔子世吏二千石至祜九世並以
清德聞墾田襄陽大獲其利在軍常輕裝緩帶身不披

甲入綜機密出統方岳嘗造峴山置酒言詠終日不倦
及卒襄陽百姓於峴山建廟立碑者莫不流涕因名墮

淚碑

晉本傳

姜

孝行著聞姜肱字伯淮與二弟仲海季江俱以孝行著
聞友愛天至常共臥起桓帝徵不至使畫工圖形狀肱
臥幽暗以被韜面工竟不得見之

後漢史

制策異等姜公輔第進士以制策異等有高才每進見
敷奏詳亮德宗器之朱泚還京師公輔諫帝誅之不從
俄而京師亂帝自苑門出公輔叩馬諫曰請取朱泚不
聽後泚兵至果如所言擢諫大夫同平章事

唐本傳

梁

生當封侯梁竦閉門自養以經籍為娛作七序而竊位素餐者慚嘗歎曰大丈夫居世生當封侯死當廟食不然間居足以養志詩書足以自娛州郡之職從勞人耳

後漢史

荆臺隱士梁震唐末登第開平間歸蜀過江陵高季昌愛其才識留之震終身止稱前進士季昌甚重之以為謀主呼曰先輩後從誨時震曰先王待我如布衣交以嗣王囑我今嗣王能自立不墜其業吾老矣不復事人矣遂固請退居從誨為築室於土洲震披鶴氅自稱荆臺隱士每詣府跨黃牛至廳事從誨時過其家五代史**梁顥有子**梁適字仲賢顥之子也適少孤輯顥制誥弁自為文以獻真宗曰梁顥有子矣授祕書省正字舉進

士改太子中允知淮陽軍召為審刑院詳議官梓州有妖人依鬼神以詛殺人獄具以不傷讞適曰殺人以刃或可拒而詛可拒乎是甚於刃也卒以死論

進士第一人梁克家字叔子溫陵人紹興間擢進士第一人後自初召九年不歷外任致位宰輔再相凡四年

卒謚文靖

章

練氏陰德章仔鈞其先岳仕晉永嘉中守泉州因家焉後唐季康州刺史及者由南安徙居建之浦城子孫因居巖之西村娶練氏生子十五人仁嵩仁徹仁郁三位仕多顯者得象文直子厚染誼望之衡元振今樞密良能大著皆其諸孫也世傳以為練氏保全二校陰德之

報

大書石壁章子厚始生族父得象奇其風骨以為必貴舉進士甲科知商洛縣嘗與蘇軾同遊南山抵仙遊潭潭下臨絕壁萬仞岸甚狹子厚推軾下潭書壁軾不敢子厚履險而下漆墨濡筆大書石壁上曰蘇軾章某來軾拊子厚背曰子厚異日得志必能殺人子厚曰何也軾曰能自判命者能殺人也子厚大笑元豐間拜門下侍郎知樞密院事後拜僕射封申國公

擢進士第一章衡字子平嘉祐二年擢進士第一通判

湖州歷守十四州終寶文閣待制師真定

康

大理少卿上疏康澄唐明宗時為大理少卿上疏曰童

謠非禍福之本妖祥豈隆替之源故鳴雉升鼎而桑穀生朝不能止殷宗之盛神馬長嘶而玉龜告兆不能延晉祚之長

甚

編頭甚從簡事晉為軍校力敵數人善用槊莊宗用兵攻城從簡多為梯頭莊宗愛其勇以功累遷步軍都指揮使五代史

常

帶經而鉏常林帶經而鉏梁習薦州界名士太祖以為

南和宰治化有成超遷博陵太守幽州刺史所在有績

魏志

設鄉校使常袞及進士第為中書舍人文采瞻蔚建中

初為福建觀察使始閩人未知學衮至為設鄉校使作為文章親加講導唐史

隱居求志皇朝常秩歐陽脩王安石薦于朝熙寧七年

除寶文閣待制兼侍讀初秩隱居求志不肯出仕世以

為高

莊

著書十萬言莊子名周嘗為漆園吏著書十餘萬言終

身不仕史記

郎

夜占象度郎顛父宗學京氏易能望氣占候吉凶顛少

傳父業兼明經典晝研精義夜占象度順帝時拜章論

災異後漢史

風流罪過郎基仕齊清慎無所營求嘗語人云任官之

所木枕亦不須作况重於此乎惟頗令人寫書潘子義

遺之書云在官寫書亦是風流罪過北史

錦繡萬花谷續集卷之二十二

錦繡萬花谷續集卷之二十三

類姓

王

孝子忠臣王尊治尚書論語舉直言遷號令先是王陽爲益州刺史行至項邾九折坂嘆曰奉先人遺體柰何數乘此險尊爲刺史問曰此非王陽所畏道邪叱其馭曰驅之王陽爲孝子王尊爲忠臣守京兆尹刺譏不憚將相誅惡不避豪強

真漢相王商字子威京師相驚言大水至商獨曰此必訛言有頃稍定問之果訛言後爲丞相有威重長八尺餘單于來朝仰視商貌大畏之遷延却退天子嘆曰真漢相矣

明經射策王嘉以明經射策甲科爲郎察廉爲南陵丞舉直言超遷太中大夫出爲九江河南太守治甚有聲後爲丞相爲人剛直嚴毅有威重上甚敬之

賜爵關內侯王成爲膠東相治甚有聲宣帝最先褒之曰膠東相成勞來不怠治有異等賜爵關內侯所居民富所去見思並本傳

權以濟事王霸字元伯言滹沱河冰合權以濟事善撫士卒曉兵愛士拜偏將軍拜上谷太守在上谷二十餘歲封淮陵侯

一縫掖王符耿介不同於俗以此不得升進著潜夫論譏當時失得將軍皇甫規解官歸鄉人鴈門太守謁之規臥不迎又白王符在門徒履迎之時語曰徒見二千

石不如一縫掖竟不仕並後漢史

獨步漢南王粲字仲宣蔡邕見而奇之聞粲在門倒屣迎之拜侍中博物多識問無不對讀道邊碑而能暗誦爲人覆碁而不誤善屬文舉筆便成無所改定曹植與楊脩書曰仲宣獨步於漢南三國魏志

文籍先生王沉典著作號爲文籍先生在魏參席上之珎居晉爲帷中之士實有翼亮佐世之勲拜御史大夫守尚書令加給事中

夜夢懸刀王濬嘗起宅開門前路廣數十步曰吾欲使容長戟幡旗夜夢懸三刀於梁須臾又益一刀李毅曰三刀爲州字又益一者其臨益州乎果遷益州刺史有平吳之功官至大將軍

管中窺豹 王獻之字子敬風流爲一時之冠管中窺豹時見一斑嘗夜臥齋中有偷人入室盜物都盡徐曰偷兒青氈我家舊物可特置之羣偷驚走工草隸善丹青爲吳興太守拜中書令

神仙中人 王恭字孝伯起家爲著作郎歎曰仕宦不爲宰相才志何足以騁恭美姿儀濯濯如春月柳嘗被鶴擎裘涉雪而行孟昶歎曰此真神仙中人也

江東獨步 王坦之弱冠有重名語曰江東獨步王文度坦之遷中書令臨終與謝安書言不及私惟憂國家之事

風流雋望 王忱字元達弱冠知名流譽一時其舅范甯謂曰卿風流雋望真後來之秀忱曰不有此舅焉有此

甥及鎮荊州威風肅然 金晉史

螭蟠北海 王猛字景畧北海人懷佐世之志螭蟠北海桓溫入關被褐而詣之一面談當世之事捫蝨而言旁若無人爲符秦相 載記

將門有將 王鎮惡猛之孫鎮惡以五月生家人以俗忌欲令出繼疎宗猛曰昔孟嘗君惡月生而相齊是兒亦將與吾門矣故名爲鎮惡武帝與語異之謂諸佐曰鎮惡王猛孫所謂將門有將後爲龍驤將軍攻陷長安武帝勞之曰成吾霸也者真卿

有封狼居意 王玄謨幼而不羣領汝陰太守每陳北侵之規文帝曰聞王玄謨陳說使人有封狼居意性嚴未嘗妄笑眉頭未嘗伸

栝栢豫章王儉字仲寶袁粲見之曰宰相之門也栝栢
豫章雖小已有棟梁氣矣終當任人家國事尚宋明帝
公主齊臺建遷右僕射領吏部時年三十八多所引進
當朝理事決斷如流嘗謂人曰江左風流宰相惟有謝
安蓋自况也並南史

斗酒學士王績游北山東臯著書自號東臯子待詔門
下省官給酒日三升或問待詔何樂耶答曰良醞可戀
耳侍中陳叔達聞之日給一斗時稱斗酒學士著五斗
先生傳唐史

獻平邊策王朴舉進士周世宗即位遷比部郎中獻平
邊策五代史

動筆如飛王安石蚤有盛名博聞強記爲文動筆如飛

封荆國公

張

運籌帷幄張良受書於圯上老父借箸畫籌於帷幄之
中以三寸舌爲帝者師封萬戶位列侯願棄人間事從
赤松子遊漢史

爲漢名相張蒼封北平侯太史公曰張蒼文學律曆爲
漢名相

記亡書三篋張安世記亡書三篋上奇其材擢尚書令

白馬生張湛拜光祿勳光武臨朝或有惰容湛輒陳諫
其失常乘白馬帝每見湛輒言白馬生且復諫矣並後漢史

作五里霧張楷字公超性好道術能作五里霧

著西蜀銘張載字孟陽博學有文章爲著作郎著西蜀

銘

江東步兵張翰字季鷹吳人有清才善屬文而縱任不拘時人號爲江東步兵因秋風起乃思吳中菰米蓴羹鱸魚膾曰人生貴得適志何能羈宦數千里以要名爵乎遂命駕而歸並晉史

五郎六郎張易之武后時其弟昌宗得侍昌宗白進易之材用過人兄弟出入禁中不旬日貴震天下號易之爲五郎昌宗六郎

宰相材張柬之中進士第一武后謂狄仁傑曰安得一奇士用之仁傑曰荊州長史張柬之雖老宰相材也即拜侍郎同平章事

燕公張說字道濟開元後宰相不以姓著者曰燕公云

有宰相體張延賞拜中書侍郎同平章事帝待遇厚稱奏議有宰相體

二朞至宰相張鎬拜同平章事起布衣二朞至宰相天下之人推爲舊德

青錢萬選萬中張旒爲兒時夢紫文大鳥五色成文止其庭大父曰五色赤文鳳也紫文鸞鷟也若此殆以文章瑞朝廷乎遂名以名貞半千稱鸞文辭猶青銅錢萬選萬中世號青錢學士

煙波釣徒張志和母夢楓生腹上而產志和擢明經以策干肅宗特見賞重命待詔翰林後居江湖自稱煙波釣徒號玄真子

獻頌闕下張昌齡貞觀末翠微宮成獻頌闕下召見試

息兵詔少選成

自號乖崖公張詠字復之知益州真宗遣使傳諭曰得卿在蜀朕無西顧憂轉工部尚書進禮部自號乖崖公乖則違衆崖不利物

無盡居士張商英字天覺中進士第徽宗立除龍圖閣學士尋除中書侍郎拜右僕射徽宗親書商霖字以賜之復觀文殿大學士商英學浮圖法自號無盡居士

錦繡萬花谷續集卷之二十三

錦繡萬花谷續集卷之二十四

類姓

黃

封春申君黃歇封爲春申君旣相楚與孟嘗君等方爭下士招致賓客以相傾奪輔國持權客三千餘人其上客皆躡珠履史記

注汪若干頃陂黃憲字叔度郭林宗曰叔度汪汪若干頃陂澄之不清滄之不濁初舉孝廉又辟公府竟無所就

得婿如是足矣黃允以雋才知名司徒袁隗欲爲從女求姻見允而嘆曰得婿如是足矣允聞而黜遣其妻夏侯氏歸辭去數允隱匿穢惡十五事允以此廢於時

江夏黃童黃香江夏人九歲失母思慕憔悴鄉人稱其
至孝京師號曰天下無雙江夏黃童並本傳

江表虎臣黃蓋凡守九縣所在平定赤壁之役建策火
攻後加偏將軍為江表之虎臣吳志

是筆當斷大事黃褐喜學問軒然有志向同列有假其
筆者怒曰是筆他日當斷大事不可假董昌為威勝軍
節度使表褐自副及昌反褐諫曰大王拔田畝位將相
不能盡忠王朝乃自尊大唐史

山谷道人黃庭堅字魯直與秦觀張耒晁補之皆遊蘇
軾之門號四學士一文一詩出人爭誦之紙價為高而
庭堅之詩尤妙晚節名高世以配蘇軾謂之蘇黃自號
山谷道人

進士第一人黃裳字寃仲擢進士第一人官終尚書贈
端明殿學士自叙其平生所為文云演峯之下劍潭之
濱予家在焉云云收拾遺藁得若干卷以演山名其集

臧

如棠觀魚魯隱公將如棠觀魚臧僖伯諫曰凡物不足
以講大事其材不足以備器用者君不舉焉

有後於魯桓二年取郕大鼎於宋納于太廟臧哀伯諫
周內史聞之曰臧孫達其有後於魯乎君違不忘諫之
以德並左傳

鳴劍抵掌臧宮從光武征戰拜輔威將軍謹信質朴常
見任用封朗陵侯 撫鳴劍抵掌志馳於伊吾之北矣

後漢史

倉

魏代名將倉慈為長安令清約有方吏民畏而愛之遷
燉煌太守抑挫權右撫恤孤羸民夷翕然稱其德惠為
魏代之名將魏志

詔標門閭倉跋居母憂毀瘠見稱州里詔標門閭北史
唐

有廊廟材唐彬有廊廟材除尚書水部郎出補鄴令道
德齊禮暮月化成遷弋陽太守明設禁防百姓安之晉

并州金城唐邕明敏有材幹仕齊除中書舍人文宣嘗
望并州城曰此何等城或曰金城湯池帝云我謂唐邕
是金城此非也

有將相才唐永少耿介有將帥才讀班超傳慨然有萬

里之志在魏為北地太守轉吏部尚書銓綜衡流雅有
人倫之鑒金北史

號知兵唐璿少孤受易於馬嘉運傳禮於賈公彥舉明
經高第聖曆中授涼州都督吐蕃率騎寇涼州休璟被
甲先登六戰皆克武后詔休璟計議屯置盡如休璟策
以儒者號知兵璿字休璟

鼎鑊不避皇朝唐介諫仁宗劾宰相文彥博仁宗怒甚
却其奏不視且言將貶介介曰臣忠義憤激雖鼎鑊不
避也神宗即位拜叅知政事謂其先朝遺直故大用之

皇

明三禮孝經皇侃九世祖皇象為青州刺史侃少好學
尤明三禮孝經南史

光

八達光逸胡毋輔之目為奇才俊器薦於東海王越與輔之等飲不捨晝夜時人謂之八達後為給事中

汪

比陸宣公汪藻為中書舍人翰林學士一時詔令往往多出公手學士大夫傳誦以比陸宣公

桑

五世同居桑虞仁孝父母喪毀瘠骨立廬于墓側五世同居晉史

程

為漢名將程不識為邊太守出擊胡虜不得犯為漢名將前漢史

明道先生程顥字伯淳西洛人為監察御史裏行神宗嘗

使推擇人材顥所薦十數人而以張載與其弟頤為首文彥表其墓曰明道先生

伊川先生程頤字正叔以經術為諸儒倡四方從之遊

者甚眾除崇政說書頤在經筵以師道自居每侍講色甚莊繼以諷諫崇寧初判西京國子監屏居伊闕山學者尊之為伊川先生

彭

經明有威重彭宣治易張禹薦其經明有威重可任政事遷御史大夫

拔力持盜彭脩父為盜所劫脩年十五拔佩刀持盜帥曰父辱子死盜曰此童子義士也辭謝而去後漢獨

禮部第一 皇朝彭汝礪字器貧少嗜學舉進士為禮部
第一王安石得其所著詩義善之以為國子監直講紹
聖初進尚書

平

明經為博士 平當字子思以明經為博士傳經術言得

失後為丞相 前漢

英

當刑而王 黥布六人也姓英氏客相之曰當刑而王其

後項王立布為九江王 史記

明

詠脩竹詩 明克讓博涉書史所覽將萬卷三禮論語尤
所研精龜策曆象咸得其要十四為法曹參軍朱异嘗

令詠脩竹詩末云非君多愛賞誰貴此貞心异甚奇之

北史

奇技自名 明崇儼以奇技自名高宗四月憶瓜崇儼索

百錢須臾以瓜獻曰得之猴氏老人園中帝召老人問

故曰埋一瓜失之土中得百錢 唐史

有廊廟材 皇朝明鎬舉進士薛奎稱鎬有廊廟材遂除

開封府推官後拜叅知政事

荆

十五攝相事 荆公行年十五而攝相事孔子聞之使人

往觀其為政使者反曰其朝清淨而少事 家語

負土成墳 荆可苦身勤力供養其母甘旨無匱乏母喪

廬墓負土成墳周文令州縣表異之 北史孝行

京

以孝廉為郎京房治易事梁人焦延壽延壽常曰得我道以亡身者京生也延壽長於災變分六十卦更直日用事以風雨寒温為候屢有占驗房用之尤精以孝廉為郎前漢史

榮

涉獵羣言榮毗少剛鯁有局量涉獵羣言隋時為華州長史後拜侍御史在朝侃然正色為百僚所憚

成

好文學有氣尚成淹好文學有氣尚入魏授著作佐郎並北史

丁

作易說三萬言丁寬讀易精敏事田何學成東歸何謂門人曰易以東矣作易說三萬言訓故舉太義而已前儒

林傳

當世稱大儒丁恭習春秋學義精明教授數百人建武中遷少府諸生自遠方至著者錄千人當世稱為大儒

後儒林傳

文比韓柳皇朝丁謂嘗以文謁主禹偁禹偁稱其文與孫何比之韓柳名遂大振既而何冠多士謂占第四自以與何齊名耻居其下臚傳之際殿下有言太宗曰甲乙丙丁合居第四尚何言踰年為福建路轉運使初置龍焙歲貢團茶後為相

好學子孫丁度字公雅祖顓盡其家資以置書至八千

卷且曰吾聚書多矣必有好學者爲吾子孫度力學有
守登服勤詞學科爲大理評事除集賢院同判太常禮
院後爲樞密使叅知政事

邢

德行堂堂

邢顥字子昂舉孝廉時人稱曰德行堂堂邢

子昂

魏志

京師紙貴

邢邵十歲能屬文日誦萬餘言名動衣冠雕

蟲之美獨步當時每一文初出京師爲之紙貴仕魏遷
著作佐郎國子祭酒除兗州刺史有善政枹鼓不鳴在
郡起清風觀明月樓

學通三禮

邢岬學通三禮左氏春秋仕齊後拜國子博

士

並北史

專講學之任

皇朝邢昺字叔明應九經廷試日召至外

殿講師比二卦又取其羣經發題太宗嘉其精博擢上
第召爲國子監丞專講學之任真宗始置翰林侍讀學
士首以命昺

進士甲科

邢恕從程頤學中進士甲科調永安簿頤稱

其才於呂公著薦崇文院校書元豐初爲館閣校勘改
校書郎遷著作佐郎又遷職方員外郎哲宗即位除左
司員外郎起居舍人紹聖初除直龍圖閣知徐州遷寶
文閣待制知青州入爲刑部侍郎權吏部尚書御史中
丞

錦繡萬花谷續集卷之二十四

錦繡萬花谷續集卷之二十五

類姓

曾

能通孝道曾參字子輿孔子以為能通孝道故授之業

作孝經

史記

年十二能文皇朝曾鞏字子固生而警敏年十二能文及冠遊太學歐陽脩見其文而竒之自是名聞天下舉進士歷知齊襄洪福明毫滄州進職直龍圖閣手詔中書曰五朝史事宜付曾鞏遂以為史館修撰試中書舍人鞏平生嗜書家藏至二萬餘卷手自雙對雖白首不倦有文集曰元豐類藁五十卷

進紹述之說曾布字子宣幼孤學于其兄鞏舉進士王

安石執政薦之因上書召見論事合意遂除崇政殿說
書遷集賢校理檢正中書六房公事新法青苗助役皆
布與呂惠卿建議徽宗立拜右僕射天下事多決於布
布獨當國漸進紹述之說

曾孫俱登科曾肇字子開舉進士元祐初擢起居舍人
拜中書舍人兄布拜相以親嫌而出曾孫喚炎俱登科
取條目置坐側曾公亮字明仲父會集英殿修撰公亮
以父任爲大理評事舉進士後拜翰林學士知三班院
三班吏世所賤薄老胥抱文書升堂取判者高下在口
異時長官漫不省察謹古名而已公亮盡取前後條目
置坐側案以從事吏束手無能爲後至者皆莫能易也
嘉祐六年拜吏部侍郎同中書門下平章事集賢殿大

學士熙寧初進封魯國公

寧

東溼寧成穰人也好氣爲人小吏必陵其長吏爲人上
操下如東溼薪史記酷吏傳

應

三入承明廬應璩字休璉作詩云問我何功德三入承
明廬文章錄

軒冕相襲應貞字吉甫自漢至魏世以文章顯軒冕相
襲爲郡盛族舉高第頻歷顯位遷給事爲太子中庶子
敬

勝

有文武才勝撫爲涿令有文武才用太守以其能委任

郡職兼領六縣風政修明流愛於人道不拾遺後朝廷博求將帥三公舉其有文武才拜九江都尉後漢史

為席屋待流民

皇朝滕元發名甫中進士第三哲宗即位除龍圖閣學士知鄆州徙真定又徙太原元發治邊

凜然威行西北號稱名帥淮東京東饑召城中富民與約曰流民且至無以處之則疾疫起并禍汝矣吾得城外廢營地欲為席屋以待之民曰諾為屋二千五百間一夕而成流民至以次授地井竈器用皆具蓋活五萬人

凌

有國士之風

凌統字公績父操輕俠有膽氣每征伐常

冠軍履鋒守永平長姦猾斂手凌雖在軍旅親賢接士

輕財重義有國士之風後拜偏將軍江表之虎臣也吳志

六印加劔

皇朝凌策舉進士後知益州初策登第夢人

以六印加劔遺之其後官劔外者凡六人以為異策處事精審所至有治迹

劉

御龍氏陶唐氏之後受封於劉裔孫劉累事夏后孔后

在夏為御龍氏在商為豕韋氏在周為唐杜氏杜伯子

隰叔奔晉為士氏孫氏會適秦後歸晉其處者為劉氏

又周大夫食采於劉亦為劉氏康公獻公其後也士會

之後周末家於魏又徙豐沛至豐公生熅字執嘉生漢

高祖姓纂

號奉春君

劉敬齊人也脫輓輅見高帝勸帝都關中乃

賜姓劉氏拜為郎中號奉春君往匈奴結和親約史記

鴻寶苑秘書劉向字子政本名更生年十二以父德任

為輦郎以行修飭擢為諫大夫通達能屬文辭獻淮南

枕中鴻寶苑秘書受穀梁春秋講論五經於石渠蕭望

之薦其宗室忠直明經有行擢為散騎宗正數奏封事

著洪範論發明大傳著天人之應

領校秘書劉歆字子駿與父向領校秘書講六藝傳記

諸子詩賦數術方技無所不究復領五經卒父前業父

子俱好古博見強志

著崇遜論劉寔博通古今行無瑕玷累歷吏部郎以世

多進趨著崇遜論以矯之後策拜司空遷太保太傅

朝野所式劉毅字仲雄太守杜恕請為功曹沙汰郡吏

百餘人語曰但聞劉功曹不聞杜府君遷尚書左僕射

言議切直無所曲撓為朝野之所式瞻以峭直故不至

公輔贈儀同三司子暉

三臺清肅劉暉正直有父風為左丞正色立朝三臺清

肅

枕戈待旦劉琨字越石加大將軍都督并幽冀三州少

與祖逖為友聞逖被用曰吾枕戈待旦志梟逆虜常恐

祖生先吾着鞭在晉陽為胡騎所圍乃乘月登樓清嘯

中夜奏胡笳賊棄圍而走

澤中董生劉殷曾祖母王氏盛冬思董殷慟哭澤中有

董生焉又夢西籬下有粟掘得十五鍾銘曰七年粟百

石以賜孝子劉殷

北府兵劉牢之字道堅沈毅多計畫謝玄以爲參軍攻符堅百戰百勝號爲北府兵並晉史

目覽訟手答書劉穆之字道和武帝北伐轉穆之左僕

射領監軍穆之內總朝政外供軍旅決斷如流事無壅

滯賓客輻輳求訴百端內外諮稟盈階滿室目覽詞訟

手答牋書耳行聽受口金酬應不相參涉悉皆贍舉南

領國史三十年劉子玄名知幾行年十二授左氏踰年

遂通覽羣史與兄知柔俱以善文詞知名擢進士第領

國史三十年官雖徙職常如舊後帝詔河南就家寫史

通讀之稱善唐史

詩有神物護持劉禹錫字夢得擢進士第登博學宏詞

科王叔文每稱有宰相器叔文引與議禁中所言必從

憲宗立斥朗州司馬作竹杖辭十餘篇武陵夷俚悉歌

之召還又作玄都觀看花君子詩語譏忿當路者不喜

作詩晚節尤精居易嘗推言其詩在處應有神物護持

作冰柱雪車詩劉義亦一節士不能俛仰貴人常穿履

破衣聞韓愈接天下士步歸之作冰柱雪車二詩出盧

仝孟郊右

過古晁董劉蕡明春秋能言古興亡事浩然有救世意

擢進士第後舉賢良方正能直言極諫對策是時第策

官見蕡對嗟伏以爲過古晁董而畏中官不敢取士人

讀其詞至感慨流涕金唐史

風骨秀異劉温叟世爲名家父岳後唐太常卿温叟十

歲善屬文工楷隸岳嘗語家人曰吾兒風骨秀異所不

知者壽耳今世難未息得與老夫偕爲温洛之叟足矣
故名之曰温叟

一揮九制劉敞舉進士甲科召試集賢院判尚書考功
博聞疆記治平中判太常寺英宗曰如劉敞者豈易得
哉出知汝州敞爲文敏瞻在西掖時一日追封皇子公
主九人敞將下直爲之立馬却坐一揮九制文辭典雅
各得其體

疆記博聞劉恕字道原渙之子少穎悟俊拔讀書過目
即成誦年四歲坐客有言孔子有言孔子無兄弟者恕
應聲曰以其兄之子妻之一坐驚異年十八試經義說
書皆第一釋褐爲鉅鹿簿遷和州令恕爲人疆記博聞
於書無所不覽有史學司馬光修資治通鑑奏請同編

修恕於魏晉以後事尤能詳考證前史差謬光悉委而
取決焉

死節不爲敵用劉韜字仲淹建之崇安人中進士第金
人入寇拜韜河北路制置使未行拜河北河東宣撫副
使虜渡河除提舉京城四壁守禦使虜騎薄城公言宜
有以紓目前而爲後圖者宰相謂公沮國搖民城陷宰
相給以割地遣公往虜以韓正館之于城南壽聖院正
言國相粘罕知公名欲用公公曰偷生以事二姓死不
爲也高宗即位詔曰劉韜死節不爲敵用贈特進資政
殿大學士謚忠顯

一紙書劉弘有幹畧政事之才爲荊州刺史每有興廢
手書守相丁寧欵密人爭赴咸曰得劉公一紙賢於十

部從僕 晉史

卷之二十五

九

續

錦繡萬花谷續集卷之二十五

